

Donatori zahtijevaju da organi vlasti BiH preuzmu istinsku odgovornost

Visoki predstavnik, Wolfgang Petritsch, je u četvrtak u Washingtonu nastavio seriju sastanaka sa predstavnicima stranih vlada i međunarodnih agencija koji za cilj imaju jačanje podrške za Bosnu i Hercegovinu te informiranje vanjskog svijeta o situaciji u BiH.

Visoki predstavnik se u četvrtak susreo sa predstavnicima direktora Svjetske banke iz Grupe osam zemalja i Nizozemske, koja predstavlja BiH u odborima Svjetske banke i MMF-a. Visoki predstavnik je također imao odvojen sastanak sa gospodinom Mikeom Depplerom, direktorom Evropskog odjela MMF-a.

Visoki predstavnik je informirao predstavnike zemalja članica Svjetske banke o statusu ekonomskih reformi u BiH. Uzevši u obzir činjenicu da se donatorska sredstva za BiH smanjuju, predstavnici ovih zemalja su istakli da je suštinska potreba da organi vlasti BiH preuzmu istinsku odgovornost za program ekonomskih reformi te da na vlastitu inicijativu donesu teške ali neophodne odluke koje će omogućiti da reforme otpočnu i donesu dugoročne koristi za obične građane. Oni su konstatirali da stvarno partnerstvo između domaćih vlasti i Međunarodne zajednice nosi sa sobom obavezu da se ispune data obećanja, te da je planirano da program Svjetske banke za pomoć BiH ostvari ovaj cilj. U tom pogledu, sa velikom zabrinutošću se primila k znanju činjenica da poslanici RS odbijaju da donesu ekonomske zakone na državnom nivou.

Istu poruku je Visokom predstavniku saopštio Christian Poortman, direktor Svjetske banke za BiH i regionalni koordinator za jugoistočnu Evropu. Visoki predstavnik i gospodin Poortman su u srijedu u Washingtonu vodili intenzivne razgovore koji su trajali dva sata. Gospodin Poortman je ekonomsku situaciju u BiH opisao

kao zabrinjavajuću, a Visoki predstavnik je konstatirao da se tempo ekonomske reforme mora ubrzati.

U četvrtak poslijepodne, Visoki predstavnik je obavijestio više zvaničnike američkog Državnog vijeća sigurnosti o političkoj i sigurnosnoj situaciji u Bosni i Hercegovini te o reorganiziranju međunarodne zajednice.

U petak, Visoki predstavnik će se sastati sa Richardom Armitageom, zamjenikom državnog sekretara SAD-a, kao i sa Johannesom Lynnom, potpredsjednikom Svjetske banke.